


唐書

一



據中國國家圖書館藏宋紹興兩浙東路茶鹽司刻本影印原書版框高二十一·七釐米寬十五釐米

音樂四

享太廟樂章十三首

貞觀中魏徵撰

迎神用永和

黃鍾宮三成大呂角二成太簇一成應鍾羽二成惣九變同用

於穆烈祖弘此丕基永言配命子孫保之百神既洽萬國在茲是用孝享神其格思

皇帝行用太和

詞同冬至圓丘

登歌酌鬯用肅和

黃鍾均之

大哉至德允茲明聖格于上下聿遵誠敬喜樂斯登鳴球以詠神其降止式隆景命

迎俎用雍和

崇茲享祀誠敬兼至樂以感靈禮以昭事粢盛咸薦牲粢全孔備

皇祖宣簡信公晉獻用長發

睿哲惟唐長發其祥帝命斯祐王業克昌配天載德就日重光本枝百代申錫無疆

皇祖懿王酌獻用長發

同前詞

太祖景皇帝酌獻用大基

太簇

猗歟祖業皇矣帝先翦商德厚封唐慶延在姬猶稷方晉踰宣其我鼎運於斯萬年

世祖元皇帝酌獻用大成

姑洗

周穆王季晉美帝文明明盛德穆穆齊芬藏用四履屈道參分鏗鏘鍾石載紀鳩勳

高祖大武皇帝酌獻用大明

蕤賓

五紀更運三正遞升勳華既沒禹湯勃興神武命代靈瞻是膺望雲影德察緯生得綰上紐天維下安地軸徭師涿野萬國咸服偃伯

靈臺允官允穆殊域委書懷生介福大禮既飾大樂已和



圖赤字淳河功宜載籍德被詠歌克昌厥後百祿具荷

皇帝飲福用壽和

八音斯奏三獻畢陳寶祚惟永暉光日新

送文舞出迎武舞入用舒和

聖躬通神光七廟靈心薦祚和萬方嚴禋克配鴻基遠明德惟馨
鳳曆昌

武舞用凱安 詞同冬 至圓丘 徹俎用雍和

於穆清廟聿修嚴祀四縣載陳三獻斯止邊豆徹薦人祇介祉神
惟格思錫祚不已

送神用永和

肅肅清祀蒸蒸孝思薦享昭備虔恭在茲雍歌徹俎祝嘏陳辭用
光武至永固鴻基

又享太廟樂章五首 永徽已後續撰不詳撰者

太宗文皇帝酌獻用崇德 魏則官永徽元年造

五運改卜千齡啓聖彤雲曉聚黃星夜映葉闡珠囊基開玉鏡後

圖下臨萬寓上齊七政霧開三象塵清九服海濂星暉遠安邇肅

天地交泰華夷輯睦翔泳歸仁中外禔福績踰黜夏勳高前商武

陳七德刑設三章祥禽巢閣仁獸遊梁十年惟永景福無疆

高宗天皇大帝酌獻用鈞天 黃鍾宮光宅元年造

奉天撫錄纂聖登皇遐清萬寓仰協三光功成日用道濟時康琬

圖載永寶曆斯昌日月揚暉燿雲爛色河岳修貞神祇效職舜風

攸偃堯曦先就睿感通冥孝思浹宙奉揚先德虔遵曩符展義

天局飛英雲岫化逸王表神凝帝先乘雲厭俗馭日登玄

中宗孝和皇帝酌獻用太和 太簇宮景雲元年造

廣樂既備嘉薦既新述先惟德孝饗惟親七獻具舉五齊畢陳

錫茲祚福於萬斯春

睿宗大聖真皇帝酌獻用景雲 黃鍾宮開元四年造

惟睿作聖惟聖登真精感耀魄時膺會昌舜敷大孝堯推讓王

能事斯極派古誰方文明履運車書同軌巍巍赫赫盡善盡美衢
室凝旒大庭端辰釋負之寄事光復子脫屣高天登遐上玄龍湖
超忽象野芊綿遊衣復道薦果初年新廟亦亦明德配天

皇祖宣皇帝酌獻用光大 無射宮舊樂章宣光二宮同用長發其詞亦同開元十年始定宣帝用光大詞更別造

大業龍社徵音駿尊潛居皇德赫嗣天昆辰儀宗祖重誠孝孫春
秋無極享奏存存

又享大廟樂章三首 詞不詳所起

迎神 黃鍾宮大呂角太簇徵 應鍾羽並同此詞

二廟觀德百靈攸仰俗荷財成物資含養道光執契化筮提象肅
肅雍雍神其來享

金奏 大射神

肅肅清廟巍巍盛唐配天立極累聖重光樂和管磬禮備恭享永
惟來格降福無疆

送神

五聲備奏三獻終祠重移鳳蓋旒轉紅旗禮周禮三誠效虔獻皇
靈徙躡簪紳拜辭

則天皇后享清廟樂章十首

第一 建清廟贊立功擇吉日辰禋宗樂已變禮方崇望神駕降
仙宮

第二 隆周創業寶命惟新劫宗茂典爰表虔禋聲明已備文物斯
陳肅容如在懇志方申

第三 登歌 肅敷大禮上謁尊靈彰陳筐弊載表丹誠

第四 迎神 敬奠蘋藻式罄虔襟切系誠斯展佇降靈歆

第五 飲福 爰陳玉醴式奠瓊漿靈心有穆介福無疆

第六 送文舞 帝圖草創王業初開功高佐命業贊雲雷

第七 迎武舞 赫赫立功被穹壤皇皇至德洽生靈開其撥亂祆

氛廓佐命宣威海內清

第八 武舞作 荷恩承顧託執契恭臨撫廟略靜邊荒天兵耀神武

第九徹俎 登歌已闋獻禮方周欽承景福肅奉鴻休

第十送神 大禮言畢仙衛將歸莫申丹懇空瞻紫微

中宗孝和皇帝神龍元年享太廟樂章二十首不詳撰

迎神用嚴和黃鐘宮三成大呂角三成太簇徵三成應鍾羽二成同用此詞

肅肅清廟赫赫立猷功高萬古化奄十洲中興丕業上荷天祚祗奉先禱禮被懷柔

皇帝行用昇和黃鐘宮

顧惟菲薄纂曆應期中外同軌夷狄來思樂用崇德禮以陳詞夕惕若厲欽奉宏基

登歌裸鬯大呂均之虔和無射均之

禮標薦鬯肅事祠庭敬由如在敢託非馨

送文舞出迎武舞入用同和太簇

惟聖配天敷盛禮惟天為大闡洪名恭禋展敬光先德肅禱申虔表志誠

古第一

卷之十一

四

一

武舞用寧和林鍾

炎馭失天綱土德承天命英猷被寰宇懿躅隆邦政七德已經邊九夷成底定景化覃遐邇深仁洽翔泳

徹俎用恭和大呂均之

禮周三獻樂闋九成肅承靈福悚惕兼盈

送神用通和黃鍾

祠容既畢仙座爰興停停鳳舉藹藹雲昇長隆寶運永錫休徵福覃貽厥恩被黎蒸

皇后助享皇后行用正和黃鐘宮詞同貞觀中宮朝正和

登歌奠鬯用昭和大呂均之

道洽二儀交泰時休四寓和平環珮肅於庭實鍾石揚乎頌聲

皇后酌獻飲福用誠敬黃鍾

顧惟菲質忝位椒宮虔奉蘋藻肅事神宗敢申誠懇庶聲深衷
醉容有裕靈享無窮

敬祖用肅和大呂均之無射羽

月禮已周雲和將變爰獻其醑載遷其貢明德逾隆非馨是薦
澤露動植仁覃寓縣

送神用昭感黃鍾

鏗鏘韶護肅穆神容洪規赫赫祠典雍雍已周三獻將垂六龍虔
誠有託懇志無從

玄宗開元七年享太廟樂章十六首相燕國公張說作

迎神用永和三章

肅九室諧八音歌皇慕動神心禮宿設樂妙尋聲明備裸奠臨

律送氣音入立依玉几御黼筵聆愾息優周旋九韶遍百福傳

信工祝永頌聲來祖考聽和平相百辟貢九瀛神休委帝孝成

皇帝行用太和一章

時文聖后清廟肅邑致誠勤薦在見思恭五節肆夏金鏘五鐘編
繩雲步穆穆天容

房一四 唐卷十一

登歌酌瓚用肅和一章

天子孝享工歌溥將躬裸鬱幽乃焚管籥臭以達二日聲以求陽奉

時蒸嘗嘗永代不忘

迎俎雍和二章

在滌嘉麥黍麗碑彰牲用握之牲色純之駢火傳陽燧水澆陰精太

公胖俎傳說和羹俎豆有馥齋饋盛潔醴亦有和羹既戒既平鼓鐘

管磬肅唱和鳴皇皇皇后祖來我思成

皇帝酌醴齊用文舞一章

聖謩言九德真言五千慶集昌胤符開章先高文杖鉞克配彼天三

宗握鏡六合渙然帝其承祀率禮罔愆圖書霧出日月清懸舞形

德類詠論功傳黃龍蜿蜒蠶綵雲編躩五行氣順八佾風宣介此百

祿於皇萬年

獻祖宣皇帝室真獻用光大之舞一章

肅肅藝祖滔滔濬源有雄玉劔作鎮金門玄王貽緒后稷謀孫肇

禮九廟四海來尊

懿祖光皇帝室真獻用長發之舞一章

具禮崇德備樂承風魏推幢主周贈司空不行而至無成有終神興王業天歸帝功

太祖景皇帝室真獻用大政之舞一章

於赫元命權輿帝文天齊八柱地半三分宗廟觀德笙鏞樂敷封唐之兆成天下君

代祖元皇帝室真獻用大成之舞一章

帝舞季曆龍聖生昌后歌有蟄胎炎及黃天地合德日月齊光肅邕孝享祚我萬方

高祖神堯皇帝室真獻用文明之舞一章

赤精亂德四海困窮昔旌義表三靈會同早望春雨雪披大風傳天來祭高祖之功

太宗文武聖皇帝室真獻用崇德之舞一章

皇合一德朝宗百神剏乎天地大拯生人上帝配食單于入臣戎歌陳舞華華震震

高宗天皇大帝室真獻用鈞天之舞一章

高宗邁道端拱無為化懷獯鬻南兵賦勾驪禮真封禪樂盛來儀合位媧后同稱伏義

中宗孝和皇帝室真獻用文和之舞一章

退居江水鬱起丹陵禮物還舊朝章中興龍圖友及駁命恭膺鳴球香瓊大禧是承

睿宗大聖真皇帝室真獻用景雲之舞一章

景雲霏爛告我帝符噫帝冲德與天為徒笙鏞遙遠俎豆虛無春秋孝獻迴復此都

又享太廟樂章十四首

玄宗至道大聖大明孝皇帝室真獻用廣運之舞

一章司徒兼中書令陽都王郭子儀撰

於赫皇祖昭明有融惟文之德惟武之功河海靜謐車書混同虔
恭孝饗穆穆文風

肅宗文明武德大聖大宣孝皇帝室奠獻用惟新之

舞一章 吏部尚書平章事
彭城郡公劉晏撰

漢祚惟永神功中興風驅氛祲天覆黎蒸三光再朗庶績其凝重
熙累葉景命是膺

皇帝欽福受朕用福和一章

備禮用樂崇親致尊誠通慈降勅徹愛存獻懷稱壽啐感承恩
皇帝孝德子孫千億大包天域長亘不極

送文舞出迎武舞入一章

六鍾翕協六變成八佾倘佯八風生樂九韶兮人神感美七德兮
天地清

亞獻終獻行事武舞用凱安四章

瑟彼瑤爵亞維上公室如屏氣門不容躬禮躬其本樂執其中聖

步一曰 房云一

皇永其恭天地幽通禮匝三獻樂遍九成降循軒陛仰歎皇情福與仁
合德因孝明百年神畏四海風行總總于戚填填鼓鍾奮揚增氣坐
作為容離若執鳥鳥合如戰龍萬方觀德肅肅邕邕

烈祖順三靈文宗威四海黃鉞誅群盜朱旗掃多罪戢兵天下安
約法人心改大哉干羽意長見風雲在

徹豆登歌一章

上笙磬徹豆邊廓無響官入立主在室神在天情餘慕禮罔愆喜
黍稷屢豐豐年

送神一章

眇嘉樂授靈爽感若來思如往休氣散迴風上返寂冥還惚恍懷
靈駕駕結空想

代宗睿文孝武皇帝室奠獻用保大之舞一章 尚父郭
子儀撰

於穆文考聖神昭彰肅勺群慝含光遠方萬物茂遂九夷賓王悃
悃雲韶德音不忘

德宗神武孝文皇帝室奠獻用文明之舞一章尚書左丞平章事鄭餘慶撰

開邸除暴時邁勛尊三九告命四極駿奔金枝翠葉輝燭瑤琨象德億載貽慶湯孫

順宗至德大聖主大安孝皇帝室奠獻用大順之舞一章中書侍郎平章事鄭絪撰

於穆時文受天明命允恭立默化成理定出震嗣德應乾傳聖猗歟緝熙千億流慶

憲宗聖神章武孝皇帝室奠獻用象德之舞一章中書侍郎平章事段文昌撰

肅肅清廟登顯至德澤周八荒兵定四極生物咸遂群盜滅息明聖欽承子孫千億

儀坤廟樂章十二首

迎神用永和林鍾宮散騎常侍昭文館學士徐彥伯作

猗若清廟肅肅熒熒國薦嚴祀坤興淑靈有凡在室有樂在庭臨茲孝享百祿惟寧

金奏夷則宮不詳作者一本無此章

陰靈効祉軒曜降精祥符淑氣慶集柔明瑤俎既列雕桐發聲徽猷永遠比德皇英

皇帝行用太和黃鍾宮左諭德昭文館學士丘說撰

孝哉我后冲乎迺聖道暎重華德輝文命慕深視篋情躬撫鑄萬國移風兆人承慶

酌獻登歌用肅和中呂均之太簇云蕤賓均之夾鍾羽太子洗馬昭文館學士張齊賢作

禋圭既濯鬱鬱既陳畫幕雲舉黃流玉醑儀充獻酌禮盛衆禋地察惟孝愉焉饗親

迎俎用雍和沽洗羽大中大夫昭文館學士鄭善玉作

酌鬱既灌取蕭方藝邊豆靜器簋簋芬飴魚腊薦美牲牲表絜是戢是將載迎載列

肅明皇后室酌獻用昭升林鍾宮禮部尚書昭文館學士薛稷作

陽雲配德陰魄昭升堯壇鳳下漢室龍興覩天作對前旒是凝化行南國道盛西陵造舟集灌無德而稱我粢既絜我醴既登陰陰

靈廟光靈若憑德馨惟饗養孝思蒸蒸

昭成皇后室酌獻用坤貞不詳作者

乾道既亨坤元以貞肅雍攸在輔佐斯成外睦九族內光一庭克生
敬哲祚我休明欽若徽範悠哉淑靈建茲清宮于彼上京縮茅以
獻絜秬惟馨實受其福期乎億齡

飲福用壽和黃鍾宮太子詹事崇文館學士徐堅作

於穆清廟肅雍嚴祀合福受釐介以繁祉

送文舞出迎武舞入用舒和南呂商銀青光祿大夫崇文館學士胡雄作

送文迎武遞衆差一始一終光聖儀四海生人歌有慶千齡孝享
肅無虧

武舞用安和太簇徵秘書少監崇文館學士劉子玄作

妙算申帷幄神謀出廟庭兩階文物備七德武功成校獵長楊苑
屯軍細柳營將軍獻凱入歌舞溢重城

徹俎用雍和蕤賓均之夾鍾羽銀青光祿大夫崇文館學士貞半千作

孝享云畢維徹有章雲感立羽風悽素商瞻望神座祇戀匪違禮
終樂闋肅雍鏘鏘

送神林鍾宮金紫光祿大夫崇文館學士祝欽明作

闕宮實實清廟微微降格無象馨香有依式昭纂慶方融嗣徽
明裡是享神保聿歸

又儀坤廟樂章二首太樂又有一本與前本略同二章不同如左不詳撰者

迎神一本有此章而無無徐彥伯之詞

月靈降德坤元授光娥英比秀姪姒均芳瑤臺薦祉金屋延祥迎
神有樂歆此嘉禱

送神一本有此章而無祝欽明之詞也

玉帛儀大金絲奏廣靈應有孚真徵不爽降彼休福歆茲裡享送
樂有章神麾其上

昭德皇后室酌獻用坤元樂章九首內出

迎神用永和

穆清廟薦嚴禋昭禮備知樂新望靈光集元辰祚無極享萬春

登歌曾用肅和

誠心達娛樂分外蕭然鬱氛氲茅旣縮鬯旣薰后來思福如雲

迎俎用雍和

我將我享盡明而誠載芬黍稷載滌犧牲懿矣元良萬邦以貞心
乎愛敬若覩容聲

酌獻用坤元

於穆先后儼聖稱崇母臨萬寓道被六宮日時協慶理內成功
薦明德傳芳國風

送文舞出迎武舞入用舒和

金枝羽部輟清歌瑤堂肅穆笙磬羅諧音遍響合明意高類昭
融靈應多

武舞用凱安

辰位列四星帝功參十亂進賢勤內輔扈蹕清多難承天厚載均

唐志十一

並曜宵光燦留徽藹前躅萬古披圖煥

徹俎用雍和

公尸旣起享禮載終稱歌進徹盡敬由衷澤流惠下大小咸同
送神用永和

昭事終幽享餘移月御返仙居璇庭寂靈幄虛顧徘徊感皇儲

孝敬皇帝廟樂章九首

迎神用永和詞同貞觀太廟永和 皇帝行用太和詞同貞觀太

廟大和登歌酌鬯用肅和詞同貞觀太廟肅和 迎俎用雍和詞

同貞觀太廟雍和 酌獻用承光詞同中宗享孝敬承光

送文舞出迎武舞入用舒和詞同太廟 武舞用凱安詞同太廟

徹俎用雍和詞同迎俎送神用永和詞同太廟 享隱太子廟樂

章六首貞觀中撰 送神用誠和

道闕鶴關運纏鳩里門集大命俾歆嘉祀禮亞六瑚誠殫二簋

有誠顯若神斯戾止

登歌真玉帛用肅和

歲肇春宗乾開震長瑤山既寂辰園斯享玉肅其事物昭其象絃誦成風笙歌合響

迎俎用雍和

明典肅陳神居遠啓春伯聯事秋官相禮有來雍雍登歌濟濟緬惟主營庶歌芳醴

送文舞出迎武舞入用舒和

三縣已判歌鍾列六佾將開羽鉞分尚想鸞飛來蔽日終疑鶴影降凌雲

武舞

天步昔將開商郊初欲踐撫戎金陣廓貳極瑤圖闡鷄戟遂崇儀龍樓期好善五兵隨震震業啓聖隆祠典

送神用誠和

詞同
隱太子廟樂章二首
太樂舊有此詞不詳所出迎神

蒼震有位黃離蔽明江无禍結辰據災成銜寃昔痛贈典今榮享靈有秩奉樂以迎

送神

呈情悼往祀儀增設鍾鼓鏗鎗羽旌昭晰堂禮云備司筵告徹樂以迎神靈其鑒闕

章懷太子廟樂章六首
神儀初備

迎神第一 姑洗宮

副君昭象道應黃離銅樓備德玉裕成規仙氣靄靄靈從師師前驅戾止控鶴來儀

登歌酌鬯第二
南呂均之 麤賡用

忠孝本著羽翼先成寢門昭德馳道為程幣帛有典容衛無聲司存既肅廟享惟清

迎俎及酌獻第三
大呂羽

通三錫胤明兩承英太山比赫伊水聞笙宗祧是寄禮樂其亨嘉

辰薦俎以發聲明

送文舞出迎武舞入第四 舞賓角

羽籥崇文禮以畢干鉞奮武事將行用捨由來其有致壯志宜威樂太平

武舞作第五 夷則角

綠林熾炎曆黃虞格有苗沙塵蕩塞外帷幄命燦姚士德干戈止
三邊雲霧消寶祚長無極歌舞感今朝

送神第六 詞同

懿德太子廟樂章六首 神龍

迎神第一 姑洗宮

甲觀昭祥畫堂昇位禮絕群台望尊儲貳啓誦懃德莊不掩粹
伊浦鳳翔緱峯鶴至

登歌酌鬯第二 南呂角

譽闡元儲寄崇明兩王裕雖晦銅樓可想絃誦輟音笙歌罷經帶
帛言散禮容無爽

迎俎酌獻第三 大呂羽

雍雍盛典肅肅靈祠履天有聖對日無期飄飄羽服雲旗眷
言主噫心乎愉茲

送文迎武第四 蕤賓商

八音協奏陳金石六佾分行整禮容滄溟赴海還稱少素月開輪即是重
武舞作第五 夷則角

隋季昔昔云然唐年初啓聖纂戎將禁暴崇儒更敷政威略靜三
邊仁恩覃萬姓

送神第六 詞同節愍太子廟樂章六首 景雲迎神第一姑洗宮

儲后望崇元良寄切履門是仰馳道不絕仙杖雲會靈旗電晰煌
煌而來禮物攸設

登歌酌鬯第二 南呂角

灼灼重明仰承元首既賢且哲惟孝與友惟孝雖遙靈規不朽祀
因誠致備絜玄酒

迎俎及約獻第三 大呂羽

嘉薦有典至誠莫騫畫梁雲且雕俎星聯樂器周列禮容備宣像
備如在若未賓天

送文迎舞第四 舞 賈商

邕邕闡化憑文德赫赫宣威藉武功既執羽旄先拂吹還持玉鉞更揮空
武舞作第五 夷則角

武德諒雄雄由來掃寇戎劍光揮作電旗影列成虹霧廓三邊靜
波澄四海同睿圖今已盛相共舞皇風

送神第六

則天大聖皇后崇先廟樂章一首 舞 舞

先德謙撝冠昔嚴規節素超今奉國忠誠每竭承家至孝純深追
崇懼乖尊意顯號恐玷徽音既迫王公屢請方乃俯遂群心有限
無由展敬真醑每闕親斟大禮虔申典冊蘋藻尚薦翹襟

褒德廟樂章五首

神龍中為皇后尊氏
祖考所立詞並出內

迎官用昭德 姑洗官

道赫梧官悲盈蒿里爰暢徽烈載敷嘉祀享洽四時規陳二簋
靈應昭格神其戾止

登歌用進德 南呂均之
建寅用

塗山懿戚媯汭崇姻祠筵肇啓祭典方申禮以備物樂以感神用
隆敷敘載穆彝倫

俎入初獻用褒德 大呂角

家著累仁門昭積善瑤筐既列金縣式展

武舞作

昭昭竹殿開弈弈蘭宮啓懿範隆丹掖殊榮闢朱邸六佾薦徽
容三簋陳芳醴萬石覃貽厥分珪崇祖禰

亞獻及送神用彰德

名隆五岳秩映三台嚴祠已備醉影方迺

太古聖人體二氣之權輿蹟三才之物象乃創紀以窮其數畫卦以通其變而紀有大衍之法卦有推策之文繇是曆法生焉殷人用九疇五紀之書周禮載馮相保章之職所以辨三辰之躔次察九野之吉凶歷代疇人迭相傳授蓋推多之成法協用之舊章暨秦氏焚書遺文殘缺漢興作者師法多門雖同得鍾律之文共演著龜之說而建元或異積部相懸旁取證於春秋強訛疑於繫象靡不揚眉抵掌謂甘石未稱日官運策播精言禪梓不知天道及至清臺眎稜黃道考祥言縮則盈少中多否否則矯二至差筭中則自負加時章又不生憑何質證高齊天保中六月日嘗蝕朔文宣先期問候官蝕何時張孟賓言蝕申鄭元偉董峻言蝕辰宋景業言蝕巳是日蝕於申郊之間言皆不中時景業造天保曆則疎密

可知矣昔鄧平落下闕造漢太初曆非之者十七家後劉洪蔡伯喈何承天祖冲之皆數術之精粹者至於宣考曆言之際猶為橫議所排斯道寂寞知音蓋寡所以張言立佩印而涕騰劉老孫輿棺而慟哭俾諸後學益用為疑以臣折衷無如舊法高祖受隋禪傅仁均首陳七事言戊寅歲時止得上元之首宜定新曆以符禪代繇是造戊寅曆祖老孫李淳風立理駁之仁均條答甚詳故法行於貞觀之世高宗時太史奏舊曆加時屢差宜有改定乃詔李淳風造麟德曆初隋末劉焯造皇極曆其道不行淳風約之為法時稱精密天后時瞿曇羅造光宅曆中宗時南宮說造景龍曆皆舊法之所棄者復取用之徒云淳風寧造深微尋亦不行開元中僧一行精諸家曆法言麟德曆行用既久暑緯漸差宰相張說言之玄宗召見今造新曆遂與星官梁令瓚先造黃道游儀圖考校七曜行度準周易大衍之數別成一法行用垂五十年肅宗時韓穎造至德曆代宗時郭獻之造五紀曆德宗時徐承嗣造正元曆

憲宗時徐昂造觀象曆其法今存而元計部章之數或異前經而察斂啓閉之期何殊舊法至論徵驗罕及研精綿代流行示存經法耳前史取傅仁均李淳風南宮說一行四家曆經為曆志四卷近代精數者皆以淳風一行之法歷千古而無差後人更之要立異耳無喻其精密也景龍曆不經行用世以為非今略而不載但取戊寅麟德大衍三曆法以備此志示於時官爾戊寅曆經日自入立秋初日加四千八十分後日減七十六分置初日所減之數以減之訖餘以行分法約之為日數及加平見日及分畢於秋分自入寒露日減一百二十七分減之為定見日及分後皆放此畢於立冬自入小雪畢於大雪均減八日初見去日十四度

焚蕙平見入冬至初日減一萬六千三百五十四分後日減五百四十五分畢於小寒自入大寒日加四百二十六分畢於啓蟄自入雨水畢於穀雨均加二十九日入立夏初日加一萬九千三百九十二分後日減二百一十三分畢於大暑自入立秋依平自入

處暑有日減一百八十四分畢於立冬自入小雪畢於大雪均減二十五日初見去日十七度鎮星平見入冬至初日減四千八百一十四分後日加七十九分畢於氣盡自入小寒畢於大寒均減九日入立春均減八日入啓蟄均減七日入雨水均減六日入春分均

減五日入清明均減四日入穀雨畢芒種均減三日入夏至畢十日內均減二日十日外入小暑畢五日內均減一日五日外畢於氣盡依平自入大暑自加一百八十一分畢於立秋自入處暑均加九日自入白露初日加六十二分後日減一百三十三分畢於寒

露自入霜降日減七十九分畢於大雪初見去日十七度太白晨平見入冬至依平自入小寒日加六十六分畢於大寒自入立春畢於立夏均加三日自入小滿初日加一千九百六十四分後日減六十分畢於芒種自入夏至依平自入小暑減六十分畢

於大暑自入立秋畢於立冬均減三日自入小雪初日減一千九百六十四分後日減六十六分畢於大寒夕平見入冬至日減一百

分畢於立春自入落墊畢於春分均減九日自入清明初日減五
千九百八十六分後日減一百分畢於小滿自入芒種依平自入
夏至日加一百分畢於立秋自入處暑畢於秋分均加九日自入
寒露初日加五千九百八十六分後日減一百分畢於小雪自入
大雪依平初見去日十一度

辰星晨平見入冬至均減四日自入小寒畢大寒依平自入立春
畢啓墊減三日其在啓墊氣內去日一十八度亦四十分自入雨水畢於立
夏應見不見其在立夏氣內去日度如前晨有自入小滿畢於寒露

依平日入霜降畢於立冬加一日自入小雪畢於大雪十二日依
平若在上入雪十三日即減一日在十四日減二日在十五日減三
日在六十月日減四日夕平見入冬至畢於清明依平自入穀雨畢

於芒種減二日自入夏至畢於大暑依平自入立秋畢於霜降應
見不見其在立秋及霜降二氣之內自入立冬畢於大雪依平初見去
日十七度

行五星法

各置星定見之前夜半日所在宿度筭及分各以定見去朔日筭
及一分加之小分滿法十四分從行分一行分滿法六百七十六
分從度一又以星初見去日度數晨減夕加之命度以次即星初
見所在度及分自此已後皆求次日筭

各加一日所行度及分其火金之行而有小分者各以日率為母
小分滿其母去從行分一行分滿法去從度一其行有益疾遲者則

斗先加分訖皆以二十六副行分為度分歲星初見順日行一百
七十六分五十分日益遲一分一百一十四日行十九度二百九
分而留二十八日乃退日九十七分八十四日退十二度五十分

又留二十六日五百九十六小分七四分即以前定見日分而加之
去之從乃順初日行六十分日益疾一分一百一十四日行十九度
四百三十七分而伏熒惑初見入冬至初 率二百四十一日行

一百六十三度已後二日損盡一百二十八日 率一百七十七日

行九十九度畢一百六十一日皆同已盡一百八十二日 率一百七十日

行九十二度畢一百八十八日皆同已盡二百二十七日 率一百八十

三日 行一百五度已後二月各已盡二百四十九日 率一百九十四日

行一百一十六度已後一日各已盡三百一十日 率二百五十五日

行一百七十七度畢三百三十七日已盡三百六十五日復二百四十四

一日 行一百六十三度 見八小寒已後三日去日率一畢於啓

墊自入雨水畢於立夏均去日率二十自入小滿初去日率二十以

次三日去十九日日去十八以次三百去一日畢於小暑即依平

為定日之率若入處暑畢於秋分皆去度率六冬依冬至後日數

而損益之又依所入之氣以減之名為前疾日數及度數之率若

初行入大寒畢於大暑皆差行日益遲一分其餘皆平行若入白

露畢於秋分初日行半度四十日行二十度即去日率四十度率二十別

之分以續之平行分者置定行度率以分法無之定日率除之所得即平行

一日之分不盡為小分亦差行者置日率之數減一並又率之加平行一日之分

為初日 各盡其日度而遲初日行三百二十六分日益遲一分率六

考十四 唐志十一

十日行二十五度五分其前疾去度六者此遲初日加六十七分亦

而留十二日前去日分日於二乃退日一百九十二分六十日退十七

度二十八分又留十二日六百二十六分小分三十分亦如初定見之

順後遲初日行二百三十八分日益疾一分率六十日行二十五

度三十五分此遲在立秋至秋分者加一日行六十七分亦而後疾入冬

至初 率二百一十四日 行一百二十六度已後一日損盡三十七日

率一百七十七日 行九十九度已後二日損盡五十七日 率一百

六十七日行八十九度畢七十九日皆同已後 盡一百三十日 率一百

八十四日 行一百六度已後二日各已盡一百四十四日 率一百九

十一日 行一百一十三度已後一日各已盡一百九十日 率二百三

十七日 行一百五十九度已盡一日各已盡二百一十日 率二百六

十七日 行一百八十九度畢二百五十九日皆同已 盡三百六十五日

復率二百一十四行一百三十六度 後遲加六度者此後疾去

度率六為定度各依冬至後日數而損益之為後疾日及度之率

度率六為定度各依冬至後日數而損益之為後疾日及度之率

若入立夏於夏至日行半度盡六十日行三十度若入小暑於大

暑盡四十日行二十度皆去日及度之率則為半度之行訖然後求平行之分以續之各盡其日度而伏

鎮星初見順日行六十分八十三日行七度二百四十八分而留三

十八日乃退日四十一分一百日退六度四十四分又留三十七日

六十一分小分四亦以初定見日分乃順日行六十分八十三日行七

度二百四十八分而伏 太白晨初見乃退日一度半十日退十

五度而留九日乃順遲差行先遲日益疾八分四十四日行三十度

若此遲入大雪已後畢於小滿即依此為定而求行分自入芒種十日減一度為

定度畢於夏至自入小暑畢於霜降均減三度自入立冬初日減三度後十日減

一度畢於霜降小雪皆為定度求一日行分者以行分法乘定度以四日平行日

十餘之為平分不盡為小分又以四垂三十九以減平分為初日行日平行日

一度十五日行十五度若此平行入小寒後十日日益日及度各一畢於春

分後十日減一畢於立夏即十五日自入處暑畢於寒露即無疾百七十

此千行自入霜降即四日日益一畢於大雪復十五日行十五度

日行二日四度前順遲減度者計所減之數以益此度為定度求一日行度

所得為之日晨伏東方夕初見順疾百七十日行二百順疾入冬至已

後畢於立夏依此率為定自入小滿六日加一度自入大暑初畢於芒種自入夏至已

於小暑均五度自入大暑初加五度後三日減一度畢於氣盡自入立秋畢於大雪

四依本率從白露畢春分皆差行先疾日益遲一分半自入清明畢於處暑若並

平行同晨疾求差行者半一百六十九乃以一分半垂之以加平行行分為初日

行度 平行日一夜十五日行十五度此平行入冬至後十日減日及度各

均九日行九度自入夏至後五日日益一畢於小暑自入大暑於氣盡皆十五日行

十五度自入立秋後六日一畢於小雪自入大雪畢於氣盡皆十五日行十五度

者順遲差行先疾日益遲八分四十四日行三十度前加度者此依數減

晨遲準減又留九日乃退日半度十日退五度而夕伏西方晨星

晨初見留六日順遲日行一百六十九分四日行一度若初見入大寒

即不須平行日一度十日行十度此平行若入大寒已後二日去日及度

此遲行平行日一度六百九十分十日行十九度六分前無遲行者此疾日

行疾日行一度六百九十分十日行十九度六分減二百三十分十日行

四分 晨伏東方夕初見順疾日行一度六百九十分十日行十九度

六分此疾者入小暑畢於處暑之內日平行日一度十日行十度此平行若

後於二日去日反度各一畢於二遲日行一百六十九分四日行一度若疾

百三分者即又留六日九分夕伏西方 推交會

交會法一千二百七十四萬一千二百五分 交分法六百三十

七萬六百二十九分 朔差一百八萬五千四百九十二分 望分六

得為辰初又以三因之如法得一名為強若得二強即名少弱若倍之如法得一為少凡四分一為少二為半三為太又不盡者三之如法得一名為強若得二強者即名為半弱若時餘在辰半之亦倍之如法無所得為正在辰以三因之如法得二名為強即名半強若得二強即名太弱若倍之法得一為太不盡者又三之如法得一為強即名太強若得者又二強者為辰末亦可前辰名之月在衝上餘日出後入前各一時半外不注餘

推日蝕加時術

置有蝕之朔定小蝕若入曆一日即減三百八十五日即加之若入十四日即減之若入十五日即加之若入十八日即減之以為定自後不入四時之夏三月內道去交四時已上入曆值盈加二百八十值縮及減之夏三月內道值盈加二百八十值縮反減之秋三月內道去交十一時已下值盈加二百八十值縮不加一百八十冬三月內道去五時已下值盈加二百八十值縮不加皆為定餘乃以十二乘之以時法除之所得半辰之數命以子半起算外即所在辰命辰如前法不盡為時餘別置為副若入仲辰半前即以副減法餘為差率若在季後即退其半辰還以法加餘即以副為差率若入季辰半前即以法加副而為差率若在季後即其半辰還以法加餘乃信法以加副而為差率若入季辰半前即三因其法而以副減之餘為差率若半後即退其半辰還以法加餘又以法加副乃因其法而以副減之為差率又置去交時數三已下加二三六已下加九已下加一九已上依數十二已上從十二以乘差率若在季辰半後孟辰半前去交六時已上者皆從其六以乘差率六時已下自依其數不須加如十四得一為時差子半至卯半至酉半以加餘加之若滿卯半午酉半子半以減時餘加之若滿時法者乃去之加於辰即進之於前也減之若不足者減半辰加時法乃減之即退之於後也餘為定時餘乃如月蝕法子午卯酉為仲辰戌丑未為季寅申巳亥為孟日出前後

各一時半外不注日蝕推內道日不蝕術

夏五月朔加時在南方三辰先交十二時外六月朔後交十三時外者不蝕啓蟄畢清明先交十三時外值縮加時在未巳酉者亦

百九十一萬三千三百五十分 交限五百八十二萬七千八百五十八分望差五十四萬二千七百四十七分 外限六百七十六萬七百八十二分 中限一千二百三十五萬一千二十五分八分 內限一千二百一十九萬八千四百五十八分七分 交時法二萬九千一十八

推交分術

置入上元已來積月以交會法去之餘以朔差乘之滿交會法又去之仁均本術武德年加交差七百七十五萬五千一百六十四分餘為所求年天正朔入平交分求望平交分術以望分加之滿去如前為平分次月平分術其朔望入冬至氣內依平為定若入小寒已後日加氣差一千六百五十分畢於立春自入啓蟄畢於清明均加七萬六千一百分後日減一千六百五十分畢於小滿置日所加之分計後日減自入芒種畢於夏至依平為定加之滿交會法即去餘為定交分其朔交若入小寒畢於雨水及立夏畢於小滿置日所加之分計後日減自入時已上皆不加其朔入時交分如望差分已外限已上有星伏木土去見二十日外去見四十日外金星伏去見其朔望入小暑已後日減氣差一千

二百分畢於處暑自入白露畢於霜降均減九萬五千八百二十分自入立冬初日減六萬三千二百分後日減二千一百一十分畢於小雪置初日所減之分計後日減自入大雪亦依平為定減若不足者加交會法乃減之餘為定交分其朔入交分如交限內限已上交推道在內外及先後去交術其定交分不滿交分法者為在外道滿去之餘為在內道其餘如望差已下即是去先交分以時法約限已上即以減文分法餘為去後交望則月蝕也其朔在內道者朔則日蝕或雖在內道去交而遠在外道去交而近亦為蝕也

推月蝕加時術

置有蝕之望定小餘若入歷一日即減二百八十八日即加之若入十四日即加五百五十八二十八日即減之自入諸日值盈皆加二百八十值縮皆減之為定餘乃以十二乘之以時法六千五百三除之所得為半辰之數命以子半起算外即所在辰初命子算自後皆以不盡為時餘若時餘在辰半之前者乃位之如法無所

推日蝕所起術

若在初起西南蝕甚東南若在內道外道初起西北甚東北十三度已上西起亦據正南而言之

日出日入

冬至辰之二十四分	申七刻十分	小寒辰計三	申七刻	十九分
大寒	卯八刻七分	立春	卯七刻十分	西二分
啓蟄	卯六刻十分	雨水	卯五刻五分	西三刻三分
春分	卯三刻二分	清明	卯二刻五分	西五刻七分
穀雨	卯一刻十分	立夏	卯十一分	西七刻十分
小滿	寅八刻一分	芒種	寅七刻四分	戌八分
夏至	寅七刻二分	小暑	寅七刻	戌十八分
大暑	寅八刻	立秋	卯十一分	酉七刻二分
處暑	卯一刻十分	白露	卯七刻十分	酉一刻二分
立冬	卯七刻十分	小雪	卯七刻十分	酉一分
大雪	卯七刻十分	大雪	辰十三分	申七刻十分

求日出入所在術

以所入氣辰刻及分與後氣辰刻及分相減餘乘入氣日筭以十五際之所得以加減所入氣為定日出入從冬至至夏至日日出減之日入加之從夏至冬至日出加之日入減之入餘為定刻及分

武德九年五月二日校曆人前曆博士臣薛

校曆人前曆博士臣薛

校曆人筭曆博士臣王

監校曆大理卿清河縣公崔

夜漏半

右依武德元年經加於漏刻日出沒二十四氣下

推月蝕加時術

右加有蝕之望以百刻乘定小餘日法而一以課所近氣不滿夜半者命日以甲子筭上注曆

不蝕入處暑畢寒露後交十三時值盈加時在己巳東者亦不蝕

推外道日蝕術

不問交之先後但去交一時內者皆蝕也若先交二時內者值盈二外者亦蝕若後交時內值縮二時外者亦蝕其夏去交二時在南方三辰者亦蝕若去分至十二時內去交六時內者亦蝕若去春分三內後交二時內者亦蝕秋分日內先交二時內者亦蝕諸去交三內星伏如前者亦蝕

推月蝕分術

置去交分其在於冬先後交皆去不蝕分二時之數若在於春先交去半時後交去二時夏即依定若在於秋先交去二時後交去半時若不足去者蝕既乃以三萬六千一百八十三為法除之所得為不蝕分不盡者半法已上為半強已下為半弱而以減十五餘為蝕之大分

推月蝕所起術

若在外道初起東北蝕甚西北若在内道初起東東南蝕甚西南十三分已上正東起推皆據正南而言

推日蝕分術

置去交分若入冬至已後畢於立春皆均減十二萬八千蝕為不蝕分不足減者及以交分減之蝕為不蝕分亦減望差為定法其後交值縮者直以望差為定法不須減之自入啓蟄初日減二十二萬八百分後日減一千八百一十分置初日所減之分計後日減之數以減之餘以減交分畢於芒種自入夏至日減二千四百分畢於白露自入秋分畢於大雪皆均減二十二萬八百分但不足減者皆如前及以交分減之訖皆為不蝕若入冬至畢小寒不蝕分依定若入大寒畢於立夏去後交五時外皆去不蝕分一時時若值減者先交減之後交加之不足減者蝕既時差值加者先交加之後交減不足減者蝕既乃為定分以十五乘之以定法除之所得為不蝕分不盡者半法已上為半強已下為半弱而以減十五餘為蝕之大分也

推月蝕虧初復滿先造每算別更筭用刻

倍月蝕日所入氣夜漏半二十五而一為筭刻分亦注於曆下

月蝕分用刻率 置月蝕分

蝕一分	用三	二分	用四	三分	用十	四分	用六	五分	用八
六分	用九	七分	用十	八分	用十	九分	用十	十分	用十
十一分	用十	十二分	用十	十三分	用十	十四分	用十	既十	用二

推日月蝕加時定刻術

置日月蝕加時定餘在辰半後者加時法於時餘以二十五乘之
三萬九千一十八而一刻命刻算外即所入辰刻

求虧初復滿術

置蝕分用刻率副之以乘所入歷損益率四千五十七而一值盈
或損加值縮依其損益副為蝕定用刻數乃六乘之十而以減
蝕加時辰刻為虧初丈四乘餘之用刻數十而一以加蝕加時辰
刻為復滿

考十四 卷之二

求所蝕夜初甚末更筭刻術

因其日日所入辰殘刻及分依次加辰刻及分至蝕初辰刻及分
減二刻十二分從其更用刻及分除之不滿更即初蝕更筭依所
求得至甚刻加之命即甚依求得甚後刻數加之命即末更筭刻
及分日出前後滿日入

二十四氣

日出

日入

夜漏半

一更

筭

冬至	辰	二十四分	申	七刻	十二分	二十七刻	十二分	十一刻	二分	四分
小寒同大雪	辰	十三分	申	七刻	十九分	二十七刻	五分	十刻	二分	四分
大寒同小雪	卯	八刻	酉	八刻	一分	二十六刻	五分	十刻	五分	二分
立春同立冬	卯	七刻	酉	二刻	一分	二十五刻	九分	十刻	七分	二分
啓蟄同霜降	卯	六刻	酉	二刻	一分	二十四刻	八分	九刻	十分	二分
雨水同寒露	卯	五刻	酉	三分	一分	二十三刻	七分	九刻	十分	二分
春分同秋分	卯	三刻	酉	四刻	一分	二十二刻	六分	八刻	十分	二分

清明同白露	卯二刻 ^{十五分}	酉五刻 ^{十七分}	二十刻 ^{二十分}	八刻 ^{八分}	刻 ^{十六分}
穀雨同處暑	卯一列 ^{十分}	酉六刻 ^{二十分}	十九刻 ^{十九分}	七刻 ^{十分}	刻 ^{十分}
立夏同立秋	卯 ^{十分}	酉七刻 ^{二十分}	十八刻	七刻 ^{十六分}	刻 ^{十分}
小滿同大暑	寅八刻 ^{一分}	戌七 ^{七分}	十八刻 ^{一分}	七刻 ^{五分}	刻
芒種同小暑	寅七刻 ^{十四分}	戌 ^{八分}	十七刻 ^{十四分}	七刻	刻 ^{九分}
夏至	寅七刻 ^{十二分}	戌 ^{二十分}	十七刻 ^{十二分}	七刻	刻 ^{九分}

唐書志第十二

右文林郎充兩浙東路提舉茶焙司幹辦公事霍文昭校勘

